

Tusagassiutinut nalunaarut

Ilanngaaserisoqarfiup poortukkanik assigisaanillu misissuisinnaatitaanerat.

Erno Petersen (EP) 21/12 2011-mi, Akileraartarnermut Aqutsisoqarfimmut allagaa, Sermitsiaq/AG-p nittartagaani tamanut ammasumik saqqummersinneqarpoq tassanilu EP pisoq aalajangersimasoq aallavigalugu allaaserisaqarpoq. Tassunga atatillugu ilanngaaserisut poortukkanik ammaasinnaatitaanerannik malittarisassat suunerinik EP apeqquateqaarluni.

Apeqqutaalu akisinnaajumallugu, Akileraartarnermut Aqutsisoqarfiup, sulisoq pineqartoq pillugu sukumiinerusumik EP paasiniaaffigisimavaa. Pisimasoq piffisami pineqartumi saqqummiunneqarneranilu nassuiaatigineqartut aallaavigalugit allaaserineqartutuut pisoqarsimasinnaanngitsoq Akileraartarnermut Aqutsisoqarfimmit nalilerneqarpoq. Piffissamimi tassani sulisoq pineqartoq suliunnaareersimammat.

Iluatsillugu ilisimatitsissutigineqassaaq, ilanngaaserisut ulluinnarni nakkutilliinerminni sutigulluunniit killeqanngitsumik, Kalaallit Nunaannut eqqussukkanik misissuinissaminnut pisinnaatitaammata.

Sumiiffinni ilanngaaserisoqarfiunngitsuni, Akileraartarnermut Aqutsisoqarfik Mittarfeqarfiit Tele-Post-ilu nioqqutissanik eqqussuinermi nakkutilliinissaq siunertaralugu isumaqatigiissuteqarput. Tassani ilanngaaserisunut malittarisassaata naapertorlugit sulisut aalajangersimasut pisinnaatitaapput nakkutilliinissaminnut.

Taassuma saniatigut, Politiit ilanngaaserisutuulli nioqqutissanik eqqussuinermi nakkutilliinissamut aamma pisinnaatitaapput.

Akileraartarnermut Aqutsisoqarfimmit nalilerneqarpoq, isumaqatigiissutit pineqartut suleqatigiinnerillu pitsaasumik ingerlanneqartut.

Inussiarnersumik inuulluaqqusilluta

Akileraartarnermut Aqutsisoqarfik